

STJÓRNARTÍÐINDI B 9 – 1990

29. janúar 1990

125

Nr. 72

REGLUGERÐ

**um breytingu á reglugerð nr. 170/1987 um þátttöku almannatrygginga
í bifreiðakaupum fatlaðra.**

1. gr.

Fjárhæðir þær, sem nefndar eru í 1. mgr. 5. gr. skulu breytast þannig:

Í tölulið 1) komi kr. 180 þús. í stað kr. 130 þús.

Í tölulið 2) komi kr. 550 þús. í stað kr. 400 þús.

2. gr.

Reglugerð þessi, sem sett er skv. 19. gr. sbr. 39. gr. stl. a) laga nr. 67/1971 um almannatryggingar með síðari breytingum, öðlast þegar gildi. Jafnframt fellur úr gildi reglugerð nr. 74/1989.

Heilbrigðis- og tryggingamálaráðuneytið, 29. janúar 1990,

Guðmundur Bjarnason.

Dögg Pálsdóttir.

31. janúar 1990

Nr. 73

SKIPULAGSSKRÁ

fyrir Samvinnuháskólann.

Samband íslenskra samvinnufélaga stofnar hér með sjálfseignarstofnun um rekstur og eignir Samvinnuskólans á Bifröst og gildir um hana eftirgreind skipulagsskrá:

1. gr.

Samvinnuháskólinn er sjálfseignarstofnun. Heimili hans og varnarþing er á Bifröst í Norðurárdalshreppi.

2. gr.

Markmið Samvinnuháskólans er að efla og styrkja íslenskt atvinnulíf og samfélag sem fræðslustofnun á háskólastigi, með fræðslu og rannsóknum er einkum fjalla um samvinnufélög og fyrirtæki með einkenni samvinnurekstrar. Hann skal veita nemendum þjálfun og fræðslu til starfa við rekstur, viðskipti og stjórnun, til þátttöku og forystu í félagsstarfi, til samvinnu við aðra, sjálfsnáms og annarra hagnýtra mennta.

3. gr.

Stofnfé Samvinnuháskólans er kr. 3 756 492,54 í áhöldum, kennslutækjum, bókasafni, listmunum og öðrum eignum skólans sem áður voru eign Sambands ísl. samvinnufélaga og eignarlóð skólans á Bifröst í Norðurárdal ásamt samningsbundnum réttindum. Eigi má fara með eigur skólans eða ráðstafa þeim á annan hátt en þann er samrýmist markmiðum Samvinnuháskólans eða stuðlar að framgangi þeirra.

4. gr.

Stjórn Sambands íslenskra samvinnufélaga skipar fimm menn í skólanefnd til tveggja ára, og tilnefnið menntamálaráðherra einn þeirra. Tveir skólanefndarmenn a.m.k. skulu kjörnir úr hópi stjórnar Sambands íslenskra samvinnufélaga. Varamann skal tilnefna og skipa fyrir hvern skólanefndarmann. Stjórn Sambands íslenskra samvinnufélaga getur fjölgað í skólanefndinni og heimilað öðrum aðiljum tilnefningu en atkvæðahlutur fulltrúa menntamálaráðherra skal þó ekki skerðast.

5. gr.

Skólanefnd hefur yfirumsjón og eftirlit með öllum málefnum, eignum og rekstri Samvinnuháskólans í samráði við rektor. Hún ræður rektor til starfa og ákvarðar um starf hans og önnur stjórnunarstörf við skólann. Hún skipar dómnefndir vegna rektors- og kennararáðninga og vegna starfsframa kennara ef þurfa þykir. Ásamt rektor ræður hún kennara og ákvarðar um störf þeirra samkvæmt nánari ákvæðum í reglugerð. Hún afgreiðir rekstraráætlun og ársreikning skólans og lætur gera ráðstafanir til að tryggja nauðsynlegt rekstrarfé. Skólanefnd ræður löggiltan endurskoðanda fyrir skólann. Formaður boðar til funda og er fundur lögmætur að boðum hefur verið komið til allra sem tók eru á með 5 daga fyrirvara og meirihluti situr fundinn. Rektor situr skólanefndarfundum með málfrelsi og tillögurétt, svo og aðrir þeir sem skólanefnd ákveður.

6. gr.

Skólanefnd ræður rektor til fjögurra ára og má endurráða einu sinni án lotuskila. Rektor fer með stjórn allrar starfsemi og málefna Samvinnuháskólans í umboði skólanefndar. Rektor kemur fram fyrir hönd skólans gagnvart starfsmönnum og nemendum og út á við. Hann skiptir verkum með starfsmönnum og stýrir störfum þeirra. Í samráði við kennarafund og skólaráð ábyrgist rektor, sem stýrir störfum þeirra, að öll starfsemi sé í samræmi við skipulagsskrá og reglugerð. Samkvæmt nánari ákvæðum í reglugerð skal kennarafundur ákvarða um vísindaleg málefni, fræðslu, námskröfur og rannsóknir og skólaráð með fulltrúum starfsmanna og nemenda um starfsháttu og samskipti í skólastarfinu.

7. gr.

Rektor fer með stjórn fjármála skólans. Óheimilt er að standa að útgjöldum eða skuldbindingum umfram heimild skólanefndar. Reikningsár skólans er 1. ágúst til 31. júlí. Rektor skal fyrir 1. maí ár hvert leggja rekstraráætlun næsta reikningsárs fyrir skólanefnd til afgreiðslu. Hann skal sjá um að ársreikningur berist Ríkisendurskoðun með tilskildum hætti ár hvert.

8. gr.

Starfsmenn og nemendur Samvinnuháskólans skulu rækja störf sín af alúð, þegnskap og skyldurækni. Þeim er öllum skylt að gæta starfstrúnaðar, taka þátt í að framfylgja reglum skólans og gæta eigna hans og öryggis. Hverju starfi skal gera starfslýsingu. Allt starf skólans skal miða að þroska, velferð og velgengni sérhvers nemanda.

9. gr.

Reglur um störf við Samvinnuháskólann, um starfsgengi, starfsframa og starfsheiti kennara og um starfsskyldur þeirra skulu samrýmast því sem tíðkast við íslenskar háskólastofnanir og sérkennum og sérstöðu Samvinnuháskólans. Með reglugerð skal nánar ákvarða um þessi atriði, svo og um starfshætti og stjórnun, fræðsluskipan, inntökuskilyrði, námsvísi og námsmat, deildaskiptingu og aðrar starfsreglur.

10. gr.

Skólanefnd getur með samhljóða samþykkt breytt skipulagsskrá þessari enda sé fundur lögmætur og tillaga um slíkt hafi verið kynnt sérstaklega í fundarboði. Verði Samvinnuháskólinn lagður niður skal eigum hans ráðstafað með tilliti til markmiða hans. Leita skal staðfestingar dómsmálaráðherra á skipulagsskrá Samvinnuháskólans.

Skipulagsskrá þessi staðfestist hér með samkvæmt lögum um sjóði og stofnanir sem starfa samkvæmt staðfestri skipulagsskrá, nr. 19/1988.

Dóms- og kirkjumálaráðuneytið, 31. janúar 1990.

F. h. r.
Jón Thors.

Fanney Óskarsdóttir.

31. janúar 1990

Nr. 74

AUGLÝSING

**um staðfestingu sjávarútvegsráðuneytisins á verðgrundvelli fyrir
freðfisk á framleiðslutímabilinu frá 1. janúar til 31. maí 1990.**

Með skírskotun til laga nr. 72 28. maí 1969, um Verðjöfnunarsjóð fiskiðnaðarins og samkvæmt tillögum stjórnar Verðjöfnunarsjóðs, hefur ráðuneytið staðfest eftirfarandi verðgrundvöll fyrir freðfisk á framleiðslutímabilinu frá 1. janúar til 31. maí 1990:

Viðmiðunarverð freðfisks 1. janúar – 31. maí 1990.

Þorskur:	SDR cent pr. lb.
4 × 12 m/r 5–8 oz.	104,1
4 × 12 m/r 8–12 oz.	106,4
4 × 12 m/r 12–16 oz.	109,3
4 × 12 m/r 1–3 lbs.	124,2
1 × 35 m/r lausfrystur	111,5
4 × 12/14 r/l 8–12 oz.	120,6
4 × 12/14 r/l 12–16 oz.	122,1
4 × 12/14 r/l 1–3 lbs.	129,7
1 × 45 formflök	130,4
10 × 5	162,0
5 × 8 og 6 × 8 hnakkastykki	183,4
5 × 10 og 6 × 10	169,1
4 × 10	169,1
4 × 15 og 3 × 20	169,1
Blokk regluleg	128,1
Blokk með þunnildum	90,8
Blokk óregluleg	120,1
Þunnildablokk Evrópa	88,7
Marningsblokk	47,6
4 × 13	148,0
1 × 50 lausfryst Evrópa	104,2
5 × 12 vafningur	135,5
Marningsblokk (P)	44,0
1 × 15 kg lausfryst	108,7
1 × 10 dinner cut	176,2
1 × 10 lausfr. sporðar	154,9
4 × 15 lbs. Shoney's	138,4
1 × 18 lbs. M&S	273,8
1 × 30 lbs. vafningar	140,4
1 × 1000 lbs.	162,0